

重刊道藏輯要

葛仙翁肘後備急方

治癰疽妬乳諸毒腫方第三十六

隱居効方治羊疽瘡有蟲痒

附子八分藜蘆二分末傅之蟲自然出

葛氏療妳發諸癰疽發背及乳方

比灸其上百壯

又方熬粢粉令黑雞子白和之塗練上以貼癰小穿練上作小

口泄毒氣燥易之神祕

又方釜底煤搗以雞子中黃和塗之加少豉彌良

道藏輯要

肘後備急方

一 虛集十一 川〇八

又方搗黃檗末篩雞子白和厚塗之乾復易差

又方燒鹿角搗末以苦酒和塗之佳

又方於石上水磨鹿角取濁汁塗癰上乾復易隨手消

又方末半夏雞子白和塗之水磨傅並良

又方神効水磨出小品

又方醋和茱萸若搗薑或小蒜傅之並良

一切惡毒腫

蔓菁根一大握無以龍葵根代之乳頭香一兩光明者黃連

一兩宣州者杏仁四十九枚去尖用柳木取三四錢白色者

各細剉搗三二百杵團作餅子厚三四分可腫處大小貼之

乾復易立散別貼膏藥治瘡處佳

葛氏療癰發數十處方

取牛矢燒搗末以雞子白和塗之乾復易神効

又方用鹿角桂雞屎別搗燒合和雞子白和塗乾復上

又癰已有膿當使壞方

取白雞兩翅羽肢各一枚燒服之卽穿姚同

又方吞薏苡子一枚勿多

又方以苦酒和雀矢塗癰頭上如小豆

葛氏若已結癰使聚不更長方

小豆末塗若雞子白和尤佳卽差

道藏輯要

肘後備急方

二

虛集十一  
川上上

又方芫花末膠汁和貼上燥復易化爲水

若潰後膿血不止急痛

取生白楸葉十重貼上布帛寬縛之

乳腫

桂心甘草各二分烏頭一分炮搗爲末和苦酒塗紙覆之膿

化爲水則神効

葛氏婦女乳癰妬腫

削柳根皮熟搗火溫帛囊貯熨之冷更易大良

又方取研米槌煮令沸絮中覆乳以炭上當用二枚牙熨之數

十迴止姚云神効

乳癰方

大黃茵草伏龍肝竈下黃土也生薑各二分先以三物搗篩又合生薑搗以醋和塗乳痛則止極驗劉涓子不用生薑用生薑四分分等余比見用鯽魚立驗此方小品佳

姚氏乳癰

大黃鼠糞濕者黃連各一分二物為末鼠矢更搗以黍米粥清和傅乳四邊痛即止愈無黍米用粳米並得

又方牛馬矢傅並佳此並消去

小品妬方

黃芩白歛芍藥分等末篩漿服一錢七日五服若右乳結者

道藏輯要

肘後備急方

三 虛集十一 川川

將左乳汁服左乳結者將右乳汁服散消根姚同此方必愈姚方搗生地黃傅之熱則易小豆亦佳

又云二三百眾療不差但堅紫色者

用前柳根皮法云熬令溫熨腫一宿愈

凡乳汁不得洩內結名妬乳乃急於癰

徐玉療乳中癰癰起痛方

大黃黃連各三兩水五升煮取一升二合分三服得下即愈

葛氏卒毒腫起急痛方

蕪菁根大者削去上皮熟搗苦酒和如泥煮三沸急攪之出傅腫帛裏上日再三易用子亦良

又方燒牛矢末苦酒和傅上乾復易

又方水和石灰封上又苦酒磨升麻若青木香或紫檀以磨傅  
上良

又方取水中萍子草熟搗以傅上

又已入腹者

麝香薰陸香青木香雞舌香各一兩以水四升煮取二升分  
爲再服

若惡核腫結不肯散者

吳茱萸小蒜分等合搗傅之丹蒜亦得

又方搗鯽魚以傅之

道藏輯要

肘後備急方

四

虛集十一  
川上上

若風腫多痒按之隨手起或隱癢方

但令痛以手摩捋抑按日數度自消

又方以苦酒磨桂若獨活數傅之良

身體頭面忽有暴腫處如吹方

巴豆三十枚連皮碎水五升煮取三升去滓綿沾以拭腫上

越手消勿近口

皮肉卒腫起狹長赤痛名膈

鹿角五兩白斂一兩牡蠣四兩附子一兩搗篩和苦酒塗帛  
上燥復易

小品癰結腫堅如石或如大核色不變或作石癰不消

鹿角八兩燒作灰白歛二兩麤理黃色磨石一斤燒令赤三物搗作末以苦酒和泥厚塗癰上燥更塗取消止內服連翹湯下之姚方云燒石令極赤內五升苦酒中復燒及內苦酒中令減半止搗石和藥先用所餘苦酒不足添上用

姚方若發腫至堅而有根者名曰石癰

當上灸百壯石子當碎出不出者可益壯癰疽癰石癰結筋癩癧皆不可就針角針角者少有不及禍者也

又癰未潰方

茵草末和雞子白塗紙令厚貼上燥復易得痛自差

癰腫振熯不可忍方

道藏輯要

肘後備急方

五 虛集十一 川一又

大黃搗篩以苦酒和貼腫上燥易不過三即差減不復作膿

自消除甚神驗也

癰腫未成膿

取牛耳垢封之即愈

若惡肉不盡者食肉藥食去以膏塗之則愈

食肉方

取白炭灰荻灰等分煎令如膏此不宜預作十日則歇并可與去黑子此大毒若用効驗本方用法

凡癰腫用

括萋根赤小豆皆當內苦酒中五宿出熬之畢搗為散以苦

酒和塗紙上貼腫驗

隱居効方消癰腫

白歛二分藜蘆一分爲末酒和如泥貼上日三大良

疽瘡骨出

黃連牡蠣各二分爲末先鹽酒洗後傅

葛氏忽得癩疽著手足肩累累如米豆刮汁出急療之

熬蕪菁熟搗裏以展轉其上日夜勿止

若發疽於十指端及色赤黑甚難療宜按大方非單方所及

若骨疽積年一捏一汁出不差

熬末膠粘敷瘡上乃破生鯉魚以搗之如炊頃刮視有小蟲

道藏輯要

肘後備急方

六

虛集十一  
川上文

出更洗傅藥蟲盡則便止差

姚方云癩疽者肉中忽生一醜子如豆粟劇者如梅李大或赤或黑或白或青其鱗有核核有深根應心小久四面悉腫疱黯黥紫黑色能爛壞筋骨毒入臟腑煞人南方人名爲搗著毒

著厚肉處皆割之亦燒鐵令赤烙毒三上令焦如炭亦灸黯炮上百壯爲佳早春酸蓼葉傅其四面防其長也飲葵根汁犀角汁升麻汁折其熱內外療依丹毒法也

劉涓子療癰疽發壞出膿血生肉黃著膏

黃著芍藥大黃當歸芍藥獨活白芷薤白各一兩生地黃三兩九物切猪膏二升半煎三上三下膏成絞去滓傅充瘡中

摩左右日三

又丹癰疽始發浸淫進長并少小丹搗方

升麻黃連大黃芎藭各二兩黃芩芒消各三兩當歸甘草炙  
羚羊角各一兩九物咬咀水一斗三升煮取五升去滓還內  
錫中下芒消杖攪令成膏適冷熱貼帛搗腫上數度便隨手  
消散王練甘林所祕方慎不可近陰

又燥瘡浸淫多汁日就浸大胡粉散

胡粉熬甘草炙藺茹黃連各二分四物搗散篩以粉瘡日三  
極驗

諸疽瘡膏方

道藏輯要

肘後備急方

七

虛集十一  
川八

蠟亂髮礬石松脂各一兩猪膏四兩五物先下髮髮消下礬  
石礬石消下松脂松脂消下蠟蠟消下猪膏塗瘡上

赤龍皮湯洗諸敗爛瘡方

榭樹皮切三升以水一斗煮取五升春夏冷用秋冬温用洗  
乳瘡及諸敗瘡洗了則傅膏  
發背上初欲疥便服此大黃湯

大黃甘草炙黃芩各二兩升麻二兩梔子一百枚五物以水  
九升煮取三升半服得快下數行便止不下則更服

療發背及婦人發乳及腸癰木占斯散

木占斯厚朴炙甘草炙細辛括蕁防風乾薑人參桔梗敗醬

各一兩十物搗爲散酒服方寸七晝七夜四以多爲善病在上常吐在下膿血此謂腸癰之屬其癰腫卽不痛長服療諸疽痔若瘡已潰便早愈發背無有不療不覺腫去時長服去敗醬多療婦人發乳諸產癥瘕益良並劉涓子方

劉涓子療癰消膿木占斯散方

木占斯桂心人參細辛敗醬乾薑厚朴炙甘草炙防風桔梗各一兩十物爲散服方寸七八咽覺流入瘡中若癰疽灸不發壞者可服之瘡未壞去敗醬此藥或時有癰令成水者癰腫癩癧核不消白菘傳方

白菘黃連大黃黃芩茵草赤石脂吳茱萸芍藥各四分八物

道藏輯要

肘後備急方

八

盧集十一  
川上三

搗篩以雞子白和如泥塗故帛上傅之開小口乾卽易之差發背欲死者

取冬瓜截去頭合瘡上瓜當爛截去更合之瓜未盡瘡已斂小矣卽用膏養之

又方伏龍肝末之以酒調厚傅其瘡口乾卽易不日平復又方取梧桐子葉斂上煨成灰絹羅蜜調傅之乾卽易之癰腫雜効方療熱腫

以家芥子并柏葉搗傅之無不愈大驗得山芥更妙又搗小芥子末醋和作餅子貼腫及癩癧數看消卽止恐損肉此療馬附骨良



又方燒人糞作灰頭醋和如泥塗腫處乾數易大驗

又方取黃色雄黃雌黃色石燒熱令赤以大醋沃之更燒醋沃其石卽軟如泥刮取塗腫若乾醋和此大祕要耳

灸腫令消法

取獨顆蒜橫截厚一分安腫頭上炷如梧桐子大灸蒜上百壯不覺消數數灸唯多爲善勿令太熱但覺痛卽擎起蒜蒜焦更換用新者不用灸損皮肉如有體乾不須灸余嘗小腹下患大腫灸卽差每用之則可大効也

又方生參

頭上核又核石末和醋傅之

又方甘草

塗此蕉子不中食

道藏輯要

肘後備急方

九

虛集十一  
川文川

又方雞長草傅

又方白蕪末傅並良

又熱腫癩

煇膠數塗一日十數度卽差療小兒癩子尤良每用神効

一切毒腫疼痛不可忍者

搜麩團腫頭如錢大滿中安椒以麩餅子蓋頭上灸令徹痛卽立止

又方搗葶麻仁傅之立差

手腳心風毒腫

生椒末鹽末等分以醋和傅立差

癰疽生臭惡肉者

以白蔞茹散傅之看肉盡便停但傅諸膏藥若不生肉傅黃耆散蔞茹黃耆止一切惡肉仍不盡者可以七頭赤皮蔞茹爲散用半錢七和白蔞茹散三錢七以傅之此姚方差惡脉病身中忽有赤絡脉起如蚓狀

此由春冬惡風入絡脉之中其血瘀所作宜服之五香連翹鑷去血傅丹參膏積日乃差余度山嶺卽患常服五香湯傅小豆得消以下並姚方

惡核病者肉中忽有核如梅李小者如豆粒皮中慘痛左右走身中壯熱瘰惡寒是也此病卒然而起有毒入腹殺人南方多道藏輯要  
肘後備急方  
十  
虛集十一  
川三〇

有此患

宜服五香連翹湯以小豆傅之立消若餘核亦得傅丹參膏惡肉病者身中忽有肉如赤小豆粒突出便長如牛馬乳亦如雞冠狀亦宜服漏蘆湯外可以燒鐵烙之日三烙令稍焦

以升麻膏傅之

氣痛之病身中忽有一處如打撲之狀不可堪耐而左右走身中發作有時痛靜時便覺其處冷如霜雪所加

此皆由冬溫至春暴寒傷之宜先服五香連翹數劑又以白酒煮楊柳皮暖熨之有赤點點處宜鑷去血也  
五香連翹湯療惡肉惡脉核癰癩風結腫氣痛

木香沈香雞舌香各二兩麝香半兩薰陸一兩射干紫葛升  
麻獨活寄生甘草炙連翹各二兩大黃三兩淡竹瀝三升十  
三物以水九升煮減半內竹瀝取三升分三服大良

漏蘆湯療癰疽丹癰毒腫惡肉

漏蘆白斂黃芩白薇枳實炙升麻甘草炙芍藥麻黃去節各  
二兩大黃三兩十物以水一斗煮取三升若無藥用大黃下  
之佳其丹毒須針鑿去血

丹參膏療惡肉惡核癰癧風結諸脉腫

丹參蒟藿各二兩秦膠獨活烏頭白芫牛膠菊花防風各一  
兩茵草葉躑躅花蜀椒各半兩十二物切以苦酒二升漬之

道藏輯要

肘後備急方

十一

虛集十一  
川子文

一宿猪膏四斤俱煎之令酒竭勿過燹去滓以塗諸疾上日  
五度塗故布上貼之此膏亦可服得大行卽須少少服小品  
同

升麻膏療丹毒腫熱瘡

升麻白斂漏蘆芒消各二兩黃芩枳實連翹虵銜各三兩梔  
子二十枚蒟藿根四兩十物切舂令細納器中以水三升漬  
半日以猪脂五升煎令水竭去滓傅之日五度若急合卽水

煎極驗方

葛氏療卒毒腫起急痛

柳白皮酒煮令熱熨上痛止

附方

勝金方治發腦發背及癰疽熱癩惡瘡等

臘月兔頭細剉入瓶內密封惟久愈佳塗帛上厚封之熱痛傳之如冰頻換差

千金方治發背癰腫已潰未潰方

香豉三升少與水和熟搗成泥可腫處作餅子厚三分已上有孔勿覆孔上布豉餅以艾烈其上灸之使溫溫而熱勿令破肉如熱痛即急易之患當減快得分穩一日二度灸之如先有瘡孔中汁出即差

外臺祕要療惡寒嗇嗇似欲發背或已生瘡腫癰癭起方

道藏輯要

肘後備急方

立

虛集十二

消石三兩以暖水一升和令消待冷取故青布揲三重可似赤處方圓濕布搗之熱即換頻易立差

集驗方治發背

以蝸牛一百箇活者以一升淨瓶入蝸牛用新汲水一盞浸瓶中封緊自晚至明取出蝸牛放之其水如涎將真蛤粉不計多少旋調傳以雞翎掃之瘡上日可十餘度其熱痛止瘡便愈

崔元亮海上方治發背祕法李北海云此方神授極奇祕

以甘草三大兩生搗別篩末大麥麩九兩於大盤中相和攪令勻取上等好酥少許別捻入藥令勻百沸水搜如餅子劑

方圓大於瘡一分熱傳腫上以油片及故紙隔令通風冷則換之以成膿水自出未成腫便內消當患腫著藥時常須喫黃耆粥甚妙

又一法甘草一大兩微炙搗碎水一大升浸之器上橫一小刀子置露中經宿平明以物攪令沫出吹沫服之但是瘡腫發背皆可服甚効

梅師方治諸癰疽發背或發乳房初起微赤不急治之卽死速消方

擣苧根傅之數易

聖惠方治附骨疽及魚眼瘡

道藏輯要

肘後備急方

三

虛集十一

用狗頭骨燒烟薰之

張文仲方治石癰堅如石不作膿者

生商陸根搗擦之燥卽易取軟爲度

子母祕錄治癰疽痔瘻瘡及小兒丹

水黃棘根汁洗之

又方末蟾蜍傅之

小品方治疽初作

以赤小豆末醋和傅之亦消

博濟方治一切癰腫未破疼痛令內消

以生地黃杵如泥隨腫大小攤於布上糝木香末於中又再

攤地黃一重貼於腫上不過三五度

日華子云消腫毒

水調決明子末塗

食療治癰腫

栝樓根苦酒中熬燥搗篩之苦酒和塗紙上攤貼服金石人  
宜用

楊文蔚方治癰未潰

栝樓根赤小豆等分爲末醋調塗

千金方治諸惡腫失治有膿

燒棘針作灰水服之經宿頭出

道藏輯要

肘後備急方

齒

虛集十一  
川州之

又方治癰瘡中冷瘡口不合

用鼠皮一枚燒爲灰細研封瘡口上

孫真人云主癰發數處

取牛糞燒作灰以雞子白和傅之乾卽易

孫真人食忌主一切熱毒腫

商陸根和鹽少許傅之日再易

集驗方治腫

柳枝如腳指大長三尺二十枚水煮令極熱以故布裹腫處  
取湯熱洗之卽差

又方治癰一切腫未成膿拔毒

牡蠣白者爲細末水調塗乾更塗

又方治熱毒足腫疼欲脫

酒煮苦參以漬之

外臺祕要治癰腫

伏龍肝以蒜和作泥塗用布上貼之如乾則再易

又方凡腫已潰未潰者

以白膠一斤水漬令軟納納然腫之大小貼當頭上開孔若已潰還合者膿當被膠急撮之膿皆出盡未有膿者腫當自消矣

又方燒鯉魚作灰酢和塗之一切腫上以差爲度

道藏輯要

肘後備急方

圭

虛集十一

又療熱毒病攻手足腫疼痛欲脫方

取蒼耳汁以漬之

又方水煮馬糞汁以漬之

肘後方治毒攻手足腫疼痛欲斷

猪蹄一具合葱煮去滓內少許鹽以漬之

經驗後方治一切癰腫無頭

以葶菜子一粒新汲水吞下須臾卽破如要兩處破服兩粒要破處逐粒加之驗

又方治諸癰不消已成膿懼針不得破令速決

取白雞翅下第一毛兩邊各一莖燒灰研水調服之

又梅師方取雀屎塗頭上即易破雄雀屎佳豎者為雄  
謹按雄黃治瘡瘍尚矣

周禮瘍醫凡療瘍以五毒攻之康成注云今醫方有五毒之藥作之合黃莖置石膽丹砂雄黃礬石磁石其中燒之三日三夜其烟上著以雞羽掃取之以注創惡肉破骨則盡出  
故翰林學士楊億嘗筆記直史館楊岷年少時有瘍生於頰連齒輔車外腫若覆甌內潰出膿血不輟吐之痛楚難忍療之百方彌年不差人語之依鄭法合燒藥成注之創中少頃朽骨連兩牙潰出遂愈後更安寧信古方攻病之速也黃莖若今市中所貨有蓋瓦合也近世合丹藥猶用黃瓦甌亦名道藏輯要

肘後備急方

夫

虛集十一  
川州上

莖事出於古也莖音武

梅師方治產後不自乳兒齋積乳汁結作癰

取蒲公英搗傅腫上日三四度易之俗呼為蒲公英語訛為僕公罌是也水煮汁服亦得

又方治妬乳乳癰

取丁香搗末水調方寸匕服

又方治乳頭裂破

搗丁香末傅之

千金方治妬乳

梁上塵醋和塗之亦治陰腫



靈苑方治乳痛癰初發腫痛結硬欲破膿令一服差

以北來真樺皮無灰酒服方寸匕就之卧及覺已差

聖惠方主婦人乳癰不消

古用白麩半斤炒令黃色用醋煮爲糊塗於乳上卽消

產寶治乳及癰腫

雞屎末服方寸匕須臾三服愈梅師方亦治乳頭破裂方

簡要濟眾治婦人乳癰汁不出內結成膿腫名妬乳方

露蜂房燒灰研每服二錢水一中盞煎至六分去滓溫服

又方治吹妳獨勝散

白丁香半兩搗羅爲散每服一錢匕溫酒調下無時服

道藏輯要

肘後備急方

七

虛集十一

子母祕錄療吹妳惡寒壯熱

猪肪脂以冷水浸搗之熱卽易立效

楊炎南行方治吹妳疼痛不可忍

用穿山甲炙黃木通各一兩自然銅半兩生用三味搗羅爲

散每服二錢溫酒調下不計時候

食醫心鏡云治吹妳不痒不痛腫硬如石

以青橘皮一兩湯浸去穢焙爲末非時溫酒下一錢匕

治腸癰肺癰方第三十七

葛氏大人小兒卒得惡瘡不可名識者

燒竹葉和雞子中黃塗差